

龍溪縣志卷之十一

古蹟附墓

陵谷有時而遷金石有時而泐何物非迹何迹非  
陳古人所以興懷於俯仰之間也若乃城壘之存  
廢足以驗成敗之由寺觀之盛衰可以覘時俗之  
尚甚至酒澆香山之土馬下董相之陵一杯朽骨  
猶能使拜者肅而過者哀豈徒壞碣殘碑荒榛斷  
梗以之供屐跡資塵柄已耶志古蹟

古縣在十二三都梁大同六年置詳見建置

柳營在江東白石丁氏家譜云六朝以來戍閩者屯兵

龍溪縣志卷之十一古蹟

於泉州之龍溪阻江為界插柳為營舊志云唐末王

潮下泉嘗駐輜重宿重兵以守之故有柳營之號白石

丁氏古譜唐高宗時有會鎮府者以將軍鎮閩其贅婿丁儒及將軍陳政與鎮府更代曾遂留寓龍溪政沒子元光代先是六朝以來戍閩者屯兵於泉州之龍溪阻江為界插柳為營江當溪海之交兩山夾峙波濤激湧元光遣人沿溪結筏開道襲蠻遂建寨柳江之西時土黎歸附轄其地為唐化里永隆二年請於朝移鎮漳浦以拒潮賊垂拱間請置漳州割泉州龍溪屬焉詔元光以將軍知州事丁儒為州承事郎然則柳營之號自六朝時有之不應起於王潮而陳政之前有會鎮府皆前此諸志所未嘗及

揭鴻塞在九龍江西唐陳將軍元光嘗駐兵於此故地

名軍營嶺極高峻上有漢唐故道唐慕容韋有詩見

文元時有蔡公者改路從西山腰呼為新嶺一名蔡公嶺



蓋昔人北遊路也今山脊石砌猶存

巡羅臺唐將軍陳元光建

詳見軍制

開元淨慧萬歲禪寺在縣治北芝山之麓唐貞元閒建

先是嗣聖閒建於漳浦至是移州治遂金移馬

額曰開元元元貞閒重建併

西湖淨慧院入之賜今額中有正殿藏殿法堂戒壇

方丈碧玉堂大圓覺海堂應真閣千佛閣鯨音樓咸

通塔御經樓制極弘做為諸州禪林冠元明為朝正

祝釐之所舊有唐明皇銅鑄御容及宋太宗皇帝御

書經疏一百二十卷有八分雙鉤飛白諸體又仁宗

皇帝篆書明堂二字飛白書明堂之門四大字今俱

龍溪縣志

卷之十一

古蹟

二

散失樓閣亦廢惟咸通塔僅存塔上刻佛頂尊勝陀

羅尼經唐咸通四年漳州押衙兼南界遊奕將王嗣

建造宣義郎前建州司戶叅軍劉鏞書字法逾勁有

晉人風致漳南金石刻以此為冠中又有千佛閣宋

進士題名在焉取千佛名經之義舊進士題名在崇

福院咸平多寶塔

營頭亭在柳營江唐歐陽詹有詩云迴峰疊嶂遶亭隅

散點烟霞勝畫圖日暮華軒卷長箔太清雲土對蓬

壺

一云在揭鴻嶺

日隱堂在名第山唐周匡物讀書處詩云窓外捲簾侵



碧落檻前敲竹響青冥黃昏不欲留人宿雲起風生  
龍虎醒又有得仙亭取三十三人共得仙之句劉禹  
錫詩危亭誰結寄山椒名第山人不可招

周潘書堂在名第山周匡物潘存實讀書於此中有硯

石棋枰丹竈樵人或見之郡人蔡耕詩硯石埋塵藥  
竈傾朝朝猿鶴哭先生我來堂上餘風在人去山閒

兩字榮

嘉定志謂周讀書名第山  
潘讀書梁山不當在一處

元妙觀在城西隅唐貞元十二年刺史李登移建

初在  
漳浦

舊州治名  
開元觀

宋大中祥符元年改名天慶唐祀老子宋

祀趙真君各從其姓而祖之也元元貞間改今名祀

龍溪縣志

卷之十一 古蹟

三

老子如故明洪武間脩中有道藏宋端平間顏檢正  
者仲侍郎頤仲建詣福州九仙觀摹寫道經五百六  
十四函而皮藏之鄉人立二公祠於藏之右

康仙不知何時人嘗貨藥於市自言姓康家在琵琶坂  
語竟不見後人立祠琵琶坂祀之唐中丞黃碣嘗朝  
退於市遇賣藥者舉止非常揖而問焉曰姓康居清  
漳圓山之下後碣轉運安南過漳問圓山康長史家  
所在咸曰山已在日康之家不知也碣驅馬徑造其  
下覩一祠神像宛如長安所見始驚悟及來典郡欲  
移祠山椒一夜月明如晝小直防城使陳僚夢一羽



衣人授以詩曰賣藥因循未得還却因耽酒到人間  
有心只戀琵琶坂無意更登山上山乃止宋屢有封  
號祈夢多靈驗嘉定閒孫昭先紹定閒孫叔謹相繼  
脩葺後圯 國朝乾隆二十七年里人鄭蒲倡脩

法濟寺在開元寺右初爲曾利隆壽院在淨安峯之麓  
南唐保大十一年刺史林侁建宋乾德六年守帥留  
從願移於隆壽山西祥符八年守王冕奏改今名爲  
五大刹之一元元貞閒重建以隆壽法濟兼稱至正  
二十七年陳友定築城截寺於城外寺廢僧覺聰等  
請右丞羅氏故宅改建明洪武十五年以寺爲軍儲  
倉改靖安水陸二院爲之嘉靖四十一年復以寺爲  
叅將署始改建今所焉

龍溪縣志

卷之十一

古蹟

四

護國廟在高亭山下俗訛呼爲河角廟不知始自何時  
僞閩龍啓二年重建祀護國夫人宋建炎閒林侁以  
兵叛入廟受誓將斬人刀柄忽壞逆徒相顧失色終  
不血刃而就擒四年楊就又叛民將逃散三卜於廟  
不許已而楊見馬跡遍溪沙竟遁去

萬壽保福淨衆禪寺在縣治西北左枕日華峯右挹滿  
月池石壁洞當其前保福山障其後梁貞明二年州  
刺史王延鈺建爲祝聖道場初名保福寺後併淨衆



八馬元至正間重修舊有御書閣藏宋太宗皇帝御書經疏一百二十卷御書逍遙咏青龍疏阮琴歌皇宋畝依懺文俱八分體聖教序雙鈎體帝釋字顛草書又仁宗皇帝賜妙空長老佛天龍神字二軸梵書賜僧端式回山歌十章俱飛白體又有紫芝草二十一本乘以木笥亦太宗賜也今俱散失惟佛光屏猶

宋時物

內有王審知祠三教堂

南山報劬崇福禪寺在通津橋南之右唐太傅陳邕建宋乾德六年刺史陳文顛重修初名報劬院後改崇福郡守章大任扁曰南州法岷岷稱南山寺中有石

龍溪縣志

卷之十一

古蹟

五

佛閣石彌陀像高五十尺相傳石自西溪隨流到寺前因琢為法相蓋閣奉之又有太傅祠祀陳邕南嶽行宮祀潛霍諸山神舊有碑為羅處約撰江南徐鉉篆額今不存寺大門外為放生池廣六十餘畝寺左為菩提庵中槃石可坐數十人庵左為潛雲室府志寺當郡治丁火之位凡有興造則多火災而山椒尤不宜亭榭明崇禎間建鐘鼓樓火災屢起且有兵亂毀之而平

應廟在郡西天寶市至元碑記云神姓趙名棠弟名栢洪州人不知何代仕歿於漳鄉人立廟祀之宋紹興間有藝作神語者曰臘月二十五日有賊犯境當



相助及期寇果至忽無數蝥螫之遁去嘉定十一年  
勅賜顯應嘉熙二年封棠爲廣福英濟孚忠曾祐王  
栢爲昭德英烈顯應協祐王東廡祀通靈顯化將軍  
名淵則王之孫也

譙樓在漳州衛前宋守方銓元令史李蘭孫明指揮楊  
隆先後重建樓高八丈廣一十二丈六尺扁曰漳南  
勝槩嘉靖閒郡守詹瑩毀之

雙門宋州治鈐司署外門也左曰崇仁右曰懷恩冠以  
樓篆書州額其上內有鼓樓置銅壺漏箭以司昏曉

後鈐司署改  
建於城東

永樂中重脩前有亭曰漳南壯觀

龍溪縣志

卷之十一

古蹟

六

齊雲閣在開元寺西宋蔡襄詩紫閣青梯壓翠岑春情  
秋思共登臨兩嵐供眼橫千掌星漢垂檐直半尋忍  
別朱欄真俗吏獨栖珍樹祇仙禽當年人事多奇尙  
擬托巖局息寸心淳祐閒守黃樸榜曰紫閣青梯寺  
內又有白雲亭

鹽倉池在馬坪街左舊傳雲雨晦冥每有神物騰躍而  
起又有飛躍閣在縣學前下臨方池亦傳有神物潛  
馬雷雨則噴水柱上右有溪光閣龍祠龍井龍亭今  
俱廢

麗藻池在府學東南通南河秋冬不涸



滿月池在淨衆寺前舊環池有松百餘株號松關

湖心亭在東湖舊有亭二曰東湖曰水閣又有綠護亭  
道院亭夢月亭茆亭八角亭諸勝

曾賢寺在城西廂宋太平興國三年建南唐保大中有  
三佛齊國將軍李某以香貨詣本州易錢營造曾賢  
院手書法堂梁上元祐閒僧善麟摹其墨跡以示人  
無能知者

龍山寺在二十六都宋五大刹之一

異鵲堂卽宋通判廳事也熙寧九年郡倅柯述賑饑有

鵲棲其堂比去鵲亦送之蘇軾爲之賦異鵲詩見紹

龍溪縣志

卷之十一

古蹟

七

興中郡倅林安宅見飛禽中矢入戶哀鳴命去其矢  
傅藥釋之不去若有所訴者安宅爲物色其人破弩  
命更業乃飛翔而去因更名瑞鵲開禧中通判留筠  
重脩築樓其上曰風月樓郡守毛宥詩君家自是爲  
霖手何止平分月與風

黃少師宅在城內四桂巷宋黃彥臣故里也

澤露亭在城東里人李亨伯守邕筦丁母憂凡五上章  
哀請乃許解官歸明年甘露降其家栢樹上故名

半漳臺在紫芝山宋郭祥正詩飛簷突兀壓林邱見盡

臨漳一半州



嘯臺在員山宋郭祥正詩縹緲臨諸峯幔卷濃雲開秀  
特不可掩擎天碧崔嵬

月淵亭在淨衆寺宋郭祥正詩仰攀明月輪俯瞰滄海  
淵乾坤借形勢此地何其偏靈溪九龍躍仙山一峰  
圓邂逅構邦守所樂多林泉

樂全亭宋里人劉衍所築亭在衍宅旁郭祥正爲之記  
有云劉公八十精神全突兀浪士天機全浪士祥正  
自謂也

東嶽行宮在東廂宋紹興閒建里人顏師魯脩元萬戶  
府達魯花赤失其名明洪武閒指揮劉廣懷知府潘琳

龍溪縣志

卷之十一 古蹟

八

宣德閒知府及文通重修

報慈寺在二十八都宋開寶六年建明初里民郭天德  
等重修今廢

法真院在二十一都宋乾德二年建明天順成化萬歷  
閒重修今廢

教授廳在郡學後紹興二十六年朱子爲同安簿以事  
至漳教授陳知柔請作題名記後記失教授沈輝搜  
公集得舊記刻石而龕諸壁郡學中有尊道堂守李  
彌遜建以爲講堂又有明善堂教授陳大章易曰明  
德有脩教堂令黃師雍建



仰止堂在府學東偏宋紹興末教授陳知柔繪歐陽脩而下十餘人祀之併記其事

貢院在子城名第門內宋乾道隕建淳祐志院與州學相連遇大比則闢學舍以容試士應詔之士幾萬餘人率相蹂躪陳北溪議欲改開元寺為之未果

南樓州南城門樓也慶元二年守傅伯成更名曰南樓

明王禕有詩

見藝文

萬歷初燬崇禎閒守曹銓重建額

曰水天一色相傳郡城南一帶時有火災自懸扁後火患遂息

瑞荷亭在府學內宋乾道中泮池荷四葉同幹故名

龍溪縣志

卷之士

古蹟

九

至鶴堂在州治淳熙丁酉州治災守趙公綱方度地間有白鶴自空而下翱翔飛舞為數十從之移時乃去因以名堂

復軒在府治後宋朱子建軒後為月臺臺後為隱室其象圓以茅覆之窓櫺隨方刻八卦其上公餘閱書於此後守趙汝諧卽舊址為亭扁曰君子鑿池築臺其外汝諧詩吟行小泓曲意象濶滄溟更上層臺望霜

天淨翠屏

池至萬歷庚子守韓擢填平之

九區亭在府治前宋朱子建守方來重脩又脩西子城上西山爽氣亭改曰仰高以示景仰之意



斷蛙池在府學東南相傳朱子經處以蛙鳴喧鬧作

字投之至今夏月無蛙聲或云潘尚書樂事

羅星墩在東湖旁其墩十有二傳為朱子守郡時所築

今僅存其大半又羅星池七所在東郊亦朱子所濬今詩浦巷廟邊

一林家祠堂前二林家書館前一餘悉在民居圍墻中又府署內亦有星墩七

植萱堂在綠事叅軍廳延平廖剛建

水雲館在南廂一溪滌澗羣峯環拱為郡之勝槩宋守

傅伯成章大任重脩後地改建新橋館遂廢

陳北溪宅在北溪宋儒陳淳所居朱文公守漳時每相

過從

龍溪縣志 卷之十一 古蹟 十

東湖草堂宋儒王子合遇故居

顏定肅宅在西清橋宋吏部尙書顏師魯所居

尙書嶺亭在府城南宋顏師魯建明知府謝騫姜諒重

脩

憇堂在郡治內先是宋守方銓建堂鑿池蒔花木守趙

汝謫更植柑數百株名曰憇堂與賓客遊賞後圃有

平易堂又有安靜堂守趙伯暹建汝謫改名同樂

飛鳧閣在縣治左宋紹定閒令蘇應衡脩有觀政亭在

閣前宋令趙絳夫建甃石為池取池水觀為政之句

歲寒堂在閣後宋令陸竑建又有不欺室宋令陳士



會建

留觀閣在州土城守趙汝諧禱雨獲應命教諭敖陶孫書額改名喜雨樓

天開圖書亭在鶴鳴山宋尚書顏頤仲歸老時建上倚山巔下俯清溪風帆釣艇烟雲林麓宛然如畫因以名亭

臨漳臺在紫芝山西北守危稹講經處旋改爲登高亭後守方來避高登名改爲碧玉千峯亭取廖中丞碧玉千峯照眼開之句

綠蘿菴在西湖白蓮院

龍溪縣志

卷之十一

古蹟

七

留佩亭在二十六都宋嘉定閒倅鄭渙代去郡人攀轅留佩於此

亦佳亭在舊別駕署宋郡倅黃之傳建傳詩小亭新築亦佳哉花木無多手自栽若謂甘棠安敢比清陰留與後人來

盍簪亭在舊城雲霄門宋紹定閒守李勲建以館士大夫之南遊者

狀元亭在城東守守陳樸館其甥會從龍於此故名木棉菴在城南二十里宋鄭虎臣誅賈似道處也初似道在朝時有術者言平章不利姓鄭人因此每朝士



鄭姓者多困抑之武學生鄭虎臣登科輒以罪竄後  
遇赦得還似道喪師謫循州命虎臣監押虎臣陵辱  
百端至漳州木棉庵病篤泄瀉踞虎子欲絕虎臣知  
其服腦子求死乃云好教他祇恁地死遂鎚數下而  
殂按此與正史稍異元人湯益弔似道詩云檀板敲殘月上  
花過牆荆棘刺簷牙指揮已失鐵如意賜予寧存玉  
辟邪破屋春歸無主燕廢池雨產在官蛙木棉庵外  
尤愁絕月黑夜深聞鬼車今有俞大猷立碣書宋鄭  
虎臣誅賈似道於此

交翠亭在府治東守方來建又有遠觀 光清心三亭

龍溪縣志

卷之十一

古蹟

三

御書閣在縣學泮池左宋紹定間令傅天驥建又有經  
史閣在泮池右宋淳祐間令陳子楹建

閩南達觀亭在齊雲閣山上宋守黃樸建又闢其後爲  
亭曰流翠曰挹浮邱以通碧玉千峯亭

福壽林塘在保福隆壽兩山間里人楊承祖別墅也中  
有畎畝不忘君堂承祖知梅州歸築室於此與前守  
傅伯成少卿孫昭先封守陳經爲真率會有及時行  
樂恐無地何事歸休始買山多謝好風吹妙語西湖  
處士掉舟還之句又作亭於城北額曰歸耕

瑞蓮堂在郡治內宋端平中守趙以夫建



高亭宮在高亭山下一名昇仙宮宋時薩真人上昇於此

孝子亭在南廂為元胡景清建明嘉靖間巡道蔡潮重建改名彰孝

嘉濟廟在東坂後祀真君石敬純元大德中錄事姜石瑛以神香火來涖漳時方勦寇忽見陰兵助捷乃建廟萬盛坊以祀之有顏家獲竊環受誣神示以殺鵝得環遂白其罪後廟災獲奔負神像出附於元壇宮

隆慶三年始建今所里人林鈺為記李必書石

清風館在文山北元林廣發築偕二子弼原功讀書其

龍溪縣志卷之十一古蹟 十三

中今廢

秋江亭在城外元呂養浩建楊志行為之記

塔口庵在北門內元陳友定羅良巷戰處有塔

九層塔在城西南久廢按十一都有罨雲福河廉江諸塔二十八都有榴山紫鳳二塔

二十九都有惠民港塔餘俱附見

萬松關在岐山之間為京省通道初陳克聰植竹以憩行人歲久凋枯惟巨石林立萬歷閒督學沈儆於名曰堆雲嶺崇禎二年知府施邦曜築關額曰天寶維垣其堞高可見海大學士林鈺為之記

梅雪齋在郡城內明林唐臣書室也唐臣棄官歸隱著



書因以名其集

劉宗道別業在博埔山宗道讀書處也

鎮寧樓在漳南道署明弘治閒建

元壇廟在郡城顧祠右明正統閒沙寇圍城指揮僉事

顧斌禱於神祠靈旗東指賊果潰於東門

威鎮亭在紫芝山明弘治閒建嘉靖閒同知謝紘重建

亭下古松數百株蔚然深秀後爲浙兵所伐山遂童

然亭亦旋圯 國朝康熙五十五年知府魏荔彤重

建改名萬壽

協慶堂在芝山朱子祠左先是知府孫裕夢朱子屬以

龍溪縣志

卷之十一

古蹟

古

遺事後守漳謁文公祠由開元寺曲廊而進恍然曰

慶其徵矣乃開道於祠東循峯而麓以達通衢卽祠

左建講堂三楹扁曰協慶又於東岡之半建亭曰仰

止又建龍江書院石坊於新路前甃道以石衛道以

垣於是文公祠與浮屠之居始不相混或云開元釋

氏甚盛自鑿山開道後而教遂衰

甘露亭在紫芝山頂明嘉靖十六年甘露降御史李元

陽作表稱賀知府孫裕建亭以志瑞

威鎮閣在城東南隅

詳見城池

來翠軒在登高山明嘉靖閒御史王瑛建



觀海樓在新橋南文昌閣在新橋北明萬歷閒守韓擢  
建四望環碧長橋臥波縈溪若帶爲郡勝覽今樓圯  
閣存國朝康熙三十七年重建又有六松堂飛虹亭水月亭青牛  
洞橋西草堂俱廢

日華亭在日華峯明末圯 國朝乾隆五年里人林編  
重建

思鄉亭在二十七都明正德閒知縣史立誠建 國朝  
康熙閒知縣田廣英曹家甲先後脩

岐山石室明蔡一坤廬墓處蔡烈爲之記

林大叅魁草堂在白石社堂外田中有巨石魁與州守

龍溪縣志

卷之十一

古蹟

五

詹莖飲其上爲勒二千石三字方三尺餘

問月居在石碼明鄭憲副懷魁築

喜雨亭在龍潭明萬歷閒知縣呂純如禱雨獲應里民  
爲建亭潭上又有呪龍亭

天問堂明主傅鄭深道宅堂也深道歸屢邀天恩存問  
故以名堂

大山院距城北六里明僧純如建岑寂清幽爲一郡勝  
境先是宋崇寧閒詔建萬壽禪寺掘地得金鑄無量  
壽佛一尊刑製甚好郡守上聞詔繪像以進至是純  
守移佛像於此



仰孟山寺在二十八都樹木陰鬱明給諫魏呈潤嘗讀  
書於此

梅庄在郡南南山寺後進士張一棟別業也庄內置石  
榻可數十處種梅千餘株冬日載酒尋梅者繹絡相  
望今廢

鑑江精舍明里人僉事唐文燦築

風雅堂在開元寺左明里人張廷榜別業萬歷辛丑改

爲詩社諸名流時往來唱和焉

孝廉張燦爲記

御史趙懷玉別墅在隆壽院左中多古木怪石

丹霞與別業明林文穆鈺所築有小西湖九曲水諸勝

龍溪縣志

卷之十一

古蹟

六

今廢

夕佳樓在南山寺左明郡人王志道別墅

慧眼山房在好景山次峯慧山之上明陳天定買山種

松著書其中後祀天定遺像下有賢人泉陳常夏詩

自裝野艇養衰殘時放江流百尺寬來吊先生無慟

哭喜於遺像見衣冠人尊標格思元禮我愛風期誦

幼安世上獬豸都噉盡芳名獨得久相看

鄴山講堂左柳營江浙流而北明黃道周講學於此中

有蓬萊峽芙蓉峽墨池研山黃巖洞石燕乳泉游磬

諸勝石壁題刻甚多郡人陳常夏詩千載尋邱壑諸



翁亦姓黃人多私淑意我共水雲鄉濯壁題詩句臨  
流結草堂思君瞻往蹟未忍息孤航詳見學校

五福禪寺在十一都石碼為鎮內文武官祝

釐所

江園在果堂城西里人陳常夏築

東園室寺在田霞 國朝順治三年建

敬身屏在苦竹山石秋子洪思隱處

南霞亭寺在二十九都 國朝康熙三十九年里民郭

天榜建寺外有亭

墓附

龍溪縣志 卷之十一 古蹟

唐漳州刺史陳元光墓初在綏安溪太原元光戰沒於

此遂葬焉貞元二年奉勅改葬松州堡因立廟石鼓

山下

按石鼓有蘇坊山石馬羊獸  
累累猶存土人呼將軍墓

宣武將軍許天正墓在二十三都樟公樹

陳太傅邕墓在十一都象鎮社

五代黃都護衣冠藏在石美社西庵端明學士馮道志

畧曰公諱某字某號鑑湖固始人四世鎮臨漳五世

某小遷篁坑云

或云都護  
名興嗣

漳州刺史留從願墓在二十五都宜招保

宋黃少師彥臣墓在二十六都樸山社



吏部尚書定肅顏師魯墓在二十一都嘉泰二年賜葬  
孫太僕少卿耆仲十五世孫禮部茂猷俱葬於墓側  
吏部尚書顏頤仲墓在鶴鳴嶺鶴窟淳熙間賜葬

蕭狀元國梁墓在東廂新亭道左國梁永福人宋乾道

二年進士第一 相傳為衣冠之藏

先儒陳北溪淳墓在坂頭保岐嶺社後莆田陳宓書其

阡曰嗚呼有宋北溪先生之墓明晉江王慎中重立

石

先儒王東湖遇墓在椽林舖南山

經畧使連南夫墓在十一都

龍溪縣志 卷之十一 古蹟

元學錄黃元淵墓在珠坑山

漳州路總管柱國晉國公右丞羅良墓在二十一都陳

志方為作墓銘

漳州路達魯花赤迭理彌實墓在東郊表忠祠後明王

禕為墓表

南勝伯陳忠潔君用墓在十二三都石獅巖

胡孝子景清墓在東山之陽

明威將軍達魯花赤忠義伯顏墓在北廂

義士蕭景懋墓在十一都文山

明林登州弼墓在郡西



左都御史劉宗道墓在椽林舖南

明經吳性原墓在南山寺栗園

教諭郭惠墓在十二三都木星崙

鄭王傳深道墓在金榜山正統閒豎坊立祠於墳前

金華知府陳孟貞墓在二十七都鳳山下弟孝廉宗道

墓在雲洞麓

蔡徵君德墓在二十七都仙跡崙

先儒陳布衣真晟墓在龜山督學使者周孟中立石

謝司徒璉墓在三峯寺景泰閒賜葬

林方伯同墓在十一都雩林

龍溪縣志

卷之十一

古蹟

十九

池州知府郭舒墓在十二三都

副使黃熒墓在十二三都院後山

潘少保榮墓在南廂弘治閒賜葬

魏侍郎富墓在鶴鳴舖左正德閒賜葬

兵部郎林雍墓在龍山之陽

戶部郎顏階墓在二十一都東山

蔡鶴峯烈墓在雲洞下安林崙有碑銘云鶴峯千仞龍

江一曲中有一邱其人如玉

謝副使彬墓在二十一都謝溪頭

唐僉事文燦墓在二十一都馬崙



蔡中丞文墓在璞埔萬歷開賜葬

吳司馬善墓在櫟林舖萬歷開賜葬

曲靖同知王會墓在櫟林舖

禮部侍郎呂旻墓在鰲頭麒麟山萬歷開賜葬

按察使楊聯芳墓在南建山

大學士林文穆鈺墓在倉門崇禎開賜葬後遷洞口山

太僕陳天定墓在鶴鳴舖墓道碑陰紀禦寇救荒功德

文李宓書

布政使王志遠墓在二十一都

都御史馬忠簡鳴起墓在江東浦西山崇禎開遣博士

龍溪縣志 卷之十一 古蹟

魯鑑擇地賜葬贈宮保

贈光祿卿鄭鼎墓在巖山大湖

中丞周忠愍起元墓在西門外西渡頭黃道周為墓誌

兵科給事中魏呈潤墓在北廂

韋指揮墓在二十一都雙路口 按指揮籍貫名字無攷相傳指揮歿無子女韋

氏買山瘞之捨餘山為義塚曰埋吾地者念吾親也歲久塚壘壘幾壓指揮墓乾隆十一年知府金溶為立界十八弓內不得侵埋今漸有越界者

國朝一等海澄公封王爵諡忠勇黃芳度墓在東門外

嶽口康熙二十四年賜葬安溪李光地為之銘

陳會元常夏墓在馬岐山麓



一等海澄公黃應纘墓在椽林舖南

隱士洪思墓在紫雲巖山麓

龔恭人墓在二十一都景清巖左

恭人知府  
金溶妻

龍溪縣志

卷之十一

古蹟

三